

Rundi - Bagore Ivyanditswe - Wives Scriptures

AbanyEfeso 5:22-24 Bagore, mugamburukire abagabo banyu, nk'uko mugamburukira Umwami wacu. 23 Kuko umugabo ari we mutwe w'umugore wiwe, nk'uko Kristo na we ari umutwe w'ishengero, akaba Umukiza waryo, ari wo mubiri wiwe. 24 Ariko nk'uko ishengero rigamburukira Kristo, kube ari ko abagore bagamburukira abagabo babo muri vyose.

AbanyEfeso 5:31,33 Ni co gituma umuntu azosiga se na nyina, akabana n'umugore wiwe ubutakivana, bompi bakaba umubiri umwe. 33 Ariko namwe nyene, umuntu wese akunde umugore wiwe nk'uko yikunda; umugore na we ni yubahe umugabo wiwe.

1 Ab'i Korinto Rya Mbere 7:3-5 Umugabo ahe umugore wiwe ivyo akwiye, kandi umugore na we abigenze atyo ku mugabo wiwe. 4 Kuko umugore ataganza umubiri wiwe, ariko uganzwa n'umugabo; kandi umugabo na we ntaganza umubiri wiwe, ariko uganzwa n'umugore. 5 Ntimukimane, kiretse kumbure musezeranye igihe, kugira ngo mubone uburyo bwo gusenga, kandi mwongere mubane, Satani ntabageragereshe kutirinda kwanyu.

1 Ab'i Korinto Rya Mbere 7:34 Kandi hariho itandukaniro ku mugore n'inkumi. Uwutarongowe yitwaririka ivyo Umwami wacu, kugira ngo abe uwera ku mubiri no mu mutima; ariko uwabiriwe yitwaririka ivy'isi, uko yonezereza umugabo.

Ab'i Kolosayi 3:18 Bagore, mugamburukire abagabo banyu, nk'uko bibereye abari mu Mwami wacu.

1 Timoteyo Rya Mbere 2:11-15 Umugore yige atekereje agamburuka rwose. 12 Ariko sinkundira umugore ko yigisha canke ko aganza umugabo, ariko atekereze. 13 Kuko Adamu ari we yabanje kuremwa, hanyuma Eva. 14 Kandi Adamu si we yahenzwe, ariko umugore ni we yahenzwe, agwa mu bicumuro. 15 Yamara azokizwa kubwo ukuvyara, ni bashishikara kwizera no kugira urukundo no kwezwa, bifatanye no kwitonda.

Intanguriro 3:16 - 1 Petero Rya Mbere 3:1-6 Namwe bagore ni uko, mugamburukire abagabo banyu, kugira ngo, naho bamwe batumvira ijambo ry'lmana, bareshwe n'ingeso nziza z'abagore babo, batagize ijambo bavuze, 2 ni babona ingeso zanyu zitunganye zifatanije

n'ugutinya. 3 Ugushaza kwanyu ntikube ukwo ku rukoba kwo gutsiba umushatsi, ukwo kwambara izahabu canke ukwo kwambara impuzu nziza; 4 ariko kube uko umuntu ahishijwe wo mu mutima, ugushaza kudashira, ni kwo mutima w'ubugwaneza utekereje, ni kwo kw'igiciro kinini imbere y'Imana." 5 Ni ko abagore bera bizigira Imana bashaza kera, bagamburukira abagabo babo, 6 nk'uko Sara yumvira Aburahamu, akamwita umwami wiwe; namwe muri abana b'uwo, ni mwahora mukora neza, mudaterwa ubwoba n'icobaca ivutu.

Tito 2:1-5 Ariko weho uvuge ibihwanye na kwa kwigisha kuzima. 2 Bwira abatama ntibarenze urugero, babe inyankamugayo, badasaragurika, bagire kwizera kuzima no mu rukundo no mu kwihangana. 3 N'abatamakazi nyene, ubabwire bagende nk'uko bibereye abera, batamentaniriza abandi, batanohorwa imitima n'umuvinyu mwinshi, bigisha ivyiza, 4 kugira ngo batoze abagore bakiri bato ubwenge bwo gukunda abagabo babo n'abana babo, 5 no kudasaragurika, no kwirinda ubweruzi, no kwubaka ingo zabo, no kuba inda nziza, bagororokere abagabo babo, kugira ngo ijambo ry'Imana ntiritukwe.

1 Ab'i Korinto Rya Mbere 11:5-7,10 Ariko umugore wese iyo asenga canke avugishwa n'Imana, adatwikiriye umutwe, aba awuteye isoni; kuko ari bimwe rwose no kumobwa. 6 Ni hagira umugore atitwikira mu mutwe, bamumwe n'umushatsi; namba ari ibiteye isoni k'umugore akererwa umushatsi canke ko amobwa ni yitwikire mu mutwe. 7 Umugabo ntakwiye kwitwikira mu mutwe, kuko ari ishusho y'Imana n'ubwiza bwayo; ariko umugore n'ubwiza bw'umugabo. 10 Ni co gituma umugore akwiye kwambara mu mutwe ikimenyetso co kugabwa, kubwo abamarayika.

Imigani 12:4; 14:1; 19:13; 21:9,19; 25:24; & 27:15,16 - contentious & angry Bagore

Imigani 31:10-31 - The Virtuous Bagore.